

## DOKAGBESISINAA

*Musa takada sɔɔrode*

### 30

*Dikiri Isarailanɔ ɛrana ń gwena zĩn*

<sup>1</sup> Tó arubarika kũ láari yã kũ ma d̄iteáre d̄inɔ á lé pínki, àgɔ d̄on buri kũ Dikiri á Luda ni péáwa à á fákɔa ń ténɔ gũn. <sup>2</sup> Tó ákɔnɔ kũ á nénɔ ɛra ò are d̄ò Dikiri á Ludaa, tó a a yã kũ maten d̄iteáre gb̄ara mà pínki kũ nèse doo kũ pɔyeinaao, <sup>3</sup> Dikiri á Luda ni á wẽnda gwa, ani era à á kakara zaa buri kũ à á fákɔa ń ténɔ gũn à su kãáo á gwena zĩn. <sup>4</sup> Bee tó à p̄éawa à á fákɔa b̄usu kũ ò kú ari andunia léanɔ gũn, ani á burinɔ kakara gwe à su kũńwo. <sup>5</sup> Ani era kũńwo b̄usu kũ à de ń dizinɔ pó ũ gũn. Tó ò b̄usuu p̄i kũ, ani arubarikaa dańgu, ani tó ò dasi kũ de ń dizinɔla. <sup>6</sup> Dikiri á Luda ni á sw̄è pípiáre kũ á burinɔ, á nini nigɔ yei kũ nèse doo de àgɔ kú kũ w̄èndiio. <sup>7</sup> Dikiri á Luda ni láari d̄inɔ bo á ibere kũ ò zãágu òten wé tãáwanɔa, <sup>8</sup> ani era à Dikiri yã ma àgɔ zĩ ke kũ a yãditena kũ maten oáre gb̄aranɔ. <sup>9</sup> Dikiri á Luda ni arubarika daágu kũ á zĩ s̄inda pínki, ani tó á nénɔ k̄o kũ á pókadenɔ kũ á burapɔnɔ. A pɔ ni era à keáwa nna, ani yã mana keáre lákũ a pɔ k̄e nna á dizinɔa nà. <sup>10</sup> Tó a Dikiri á Luda yã mà a a ɔd̄ki gwà akũs̄ á a yãditena kũ ò kú doka takada d̄ikĩna gũnnɔ kũna, tó a are d̄ò Dikiri á Ludaa kũ nèse doo kũ pɔyeinaao, ani abirenɔ keáre pínki.

*W̄èndi ke ga*

11 Yā kū maten diteáre gbāra pì zī'ũ de á gbāna lélaro. À zà kááoro. 12 À kú ludambero, gbasa à pì, dí mé ani gé ludambe à kipao de à ma à zī kea. 13 À kú ísira bara direro, gbasa à pì, dí mé ani bikū ísira bara à suo de à ma àgō kūna. 14 Yā pì kú kááo kánikáni, à kú á lén kú á nèseεo de à le à zī kea. 15 À ma! Maten wèndi kú yā manao dite á are gbāra kú gao kú yā vānio. 16 Maten diteáre gbāra, àgō ye Dikiri á Ludai àgō té a gèsegbεei, à a ɔɔki gwa àgō a yāditenanɔ kú a dokayānɔ kūna, de àgō kun à kè dasi, Dikiri á Luda ni arubarika daágu bùsu kú áten gé sí gūn. 17 Ama tó a kpε lìnε akūsō ádi a yā maro, tó a kēa akūsō a tānanɔ gbàgba a donyī kēñne, 18 maten oáre gbāra, a kakaten gwe! Áni gí ke bùsu kú áten bikū Yodaa áten gé sí gūnlo. 19 Ludambe kú zītεome ma sèedadεnɔ ũ gbāra á yā musu. Ma wèndi kú gao dīte á are, arubarika yānɔ kú láaribona yānɔ. À wèndi sé de ákōnɔ kú á nénɔ le àgō kun. 20 Àgō ye Dikiri á Ludai àgō a yā ma à naa, zaakū àkūme á wèndi ũ. Ani tó à gí ke bùsu kú à la dà á dizi Ibrahī kú Isaakuo kú Yakubuonε, à pì áni kpámma gūn.

## 31

### *Yɔsua ditena Musa gēne ũ*

1 Kū Musa yā dínɔ ò Isarailanεne à làka, 2 à pì: Tera dí bà ma ka wè basuddo, mani f̄s mà doáre are doro. Dikiri pìmene mani bikū Yodaaro. 3 Dikiri á Luda mé ani doáre are à bikū. Ani buri kú ò kú gwεnɔ kakateáre de à n̄ bùsu sí. Yɔsua mé anigō doáre are sà lákū Dikiri ò nà. 4 Dikiri ni ke buri pìnεne lákū à kè Amɔrinɔ kínanεne nà Siō kú Oguo

kū n̄ b̄usuuo kū à n̄ kákate. <sup>5</sup> Dikiri ni n̄ naáre á ɔ̄ áni keíne lákū ma dìteáre nà pínki. <sup>6</sup> À á laakari kpáte àḡō wórɔḡō vī! Àsun tó vīna á kūro, àsun tó swè kēágu n̄ yāiro, zaakū Dikiri á Luda mé àten gé kǎáo. Aní á tónlo ani pǎ kpáairo.

<sup>7</sup> Akū Musa Yɔsua s̄isi Isarailanɔ wára n̄ pínki à pine: N̄ ze gbāna ñḡō wórɔḡō vī, zaakū mɔkɔn mé ñni gé kū gbē dínɔ b̄usu kū Dikiri la dà n̄ dizi káakunɔne à p̄i áni kpámma gūn. Mɔkɔn mé ñni b̄usuuo p̄i kpaateteíne. <sup>8</sup> Dikiri mé ani donne are. Akū mé aniḡō kú kúnwo, ani n̄ tónlo ani pǎ kpányi zikiro. N̄sun tó vīna n̄ kūro n̄sun bídi kero.

<sup>9</sup> Musa doka p̄i kè takada gūn à kpà sa'ori Levi buri kū òdiḡō Dikiri bàka kunna kúnwo àkpati senanɔa kū Isaraila gbē zɔkɔnɔ n̄ pínki. <sup>10</sup> Musa yā dìteíne à pi: Wè supplapla gbera, wè kū òdi f̄inadenɔ kē Kutadɔna dikp̄egɔɔa, <sup>11</sup> tó Isarailanɔ sù ò n̄ z̄ida mò Dikiri n̄ Ludane n̄ pínki gu kū ani sé gūn, àḡō doka takada dík̄ina kyó keíne ò ma. <sup>12</sup> Àḡō n̄ kakara, ḡōgbēnɔ kū nɔgbēnɔ kū né f̄itinɔ kū b̄oasu kū ò kú á wētennɔ, de ò ma ò dada, ò le òḡō Dikiri á Luda vīna vī, òḡō dokayā p̄inɔ kūna pínki òḡō z̄i kea. <sup>13</sup> N̄ né kū ò yā p̄i d̄oronɔ ni ma, oniḡō v̄inakena Dikiri á Ludane dada ḡɔɔa kū á kú b̄usu kū áten bikū Yodaa à gé sí p̄i gūn.

### *Dikiri ḡínake à Isarailanɔ bona a kp̄eyā ò*

<sup>14</sup> Dikiri p̄i Musane: N̄ gagɔɔa kà k̄ini. N̄ Yɔsua s̄isi à gé ze dakarekia, maní z̄i nane a ɔ̄. Akū Musa kū Yɔsuaoḡe ò zè dakarekia. <sup>15</sup> Dikiri bò à s̄ùm̄ma gwe téluku kū à zena kuta p̄i kp̄éleleaa gūn. <sup>16</sup> Akū Dikiri p̄i Musane: Tó n̄ ka n̄ d̄izinla, gbē p̄inɔ ni

fute ò pāpā ke ò do bùsu kũ òten gẽn tānanɔi. Oni pā kpámai ò ma bàka kunna kũńwo yā gboro. <sup>17</sup> Zĩ pìia mani pɔ fěnyĩ mà pā kpányĩ, mani kpe lińne ò ń kakate. Kisianɔ ni wí ń musu dasi ò wari ke. Zĩ pìia oni pi: Kisira pìnɔ wì ó musu kũ ó Luda kú kũooro yāinloo? <sup>18</sup> Zĩ pìian mani kpe lińne yā vāni kũ ò kè yāi, ò are dò tānanɔa.

<sup>19</sup> N lè díkĩna kě takadan sà ò dada Isarailanɔne ò sí, de àgɔ demene ń bona ma kpe sèeda ũ. <sup>20</sup> Tó ma ge kũńwo bùsu kũ ma la dà ń dizi káakunɔne gũn, bùsu kũ vĩ kũ z'io din pìi, tó ò kà ò mēe kpà, oni are dɔ tānanɔame ò ń gbagba. Oni pā kpámai ò ma bàka kunna kũńwo yā gboro. <sup>21</sup> Tó kisira pìnɔ ń lé dasi òten wari ke, lèe pì mé ani ń yā vāni káńne ń ɔĩ, zaakũ a yā ni sã ń burinɔguro. Má yā kũ à kú ń nēsen gbāra dɔ ari màgɔ gé kũńwo bùsu kũ ma la dàńne gũn. <sup>22</sup> Musa lèe pìi kè takadan zĩ pìia, akũ à dà Isarailanɔne.

<sup>23</sup> Dikiri yā dìte Nuni né Yɔsuanɔ à pì: N laakari kpáte ògɔ wórɔgɔ vĩ! Mòkɔn mé òni gé kũ Isarailanɔ bùsu kũ ma la dàńne gũn, akũsɔ makũ manigɔ kú kũnwo.

<sup>24</sup> Kũ Musa dokayā pìnɔ kè takadan à làka pínki, <sup>25</sup> à yā dìte Levi buri kũ òdigɔ Dikiri bàka kunna kũńwo àkpati senanɔne à pì: <sup>26</sup> À doka takada díkĩna sí à dìte Dikiri á Luda bàka kunna kãáo àkpatii sare, àgɔ kú gwe á bona Dikiri kpe sèeda ũ. <sup>27</sup> Zaakũ má á sãgbāna dɔ, lákũ adì gí yāi nà. Zaa gɔrɔ kũ má kú kãáo adìgɔ bo Dikiri yā kpeme ari kũ a terao. Oni ma ga gbera pɔ o dɔ yá? <sup>28</sup> À á buri gbē zɔkɔnɔ kũ á don'aredenɔ kakaramene, de mà yā dínɔ dańne ń sãn, ludambe kũ zĩteo nigɔ de ma sèedadenɔ ũ á

yā musu. <sup>29</sup> Zaakū má dǝ kū áni á zīda yaka ma ga gbera, áni kē zé kū ma mǝ́ára. Abire gbera kisira ni á le, zaakū áni yā kū à vāni Dikirine ke, ani pǝ fěái tāna kū a kènǝ yāi.

<sup>30</sup> Akū Musa lèe pì yā dà Isaraila kū ò kakarananǝne ní sǎn mǎmmam.

## 34

### *Musa ganaa*

<sup>1</sup> Musa bǝ Mǝabunǝ bǝsu sǝnte à dǝdi Nebo kpia ari Pisiga kpì mǝsǝnte kū à are dǝ Yerikoa, akū Dikiri bǝsuu pìi mǝne pínki zaa Giliada bǝsun ari Daninǝ bǝsun <sup>2</sup> kū Nafatalinǝ bǝsuum pínki kū Eflaimunǝ bǝsuum kū Manasenǝ bǝsuum kū Yudanǝ bǝsuum pínki ari ísira kū à kú ifǎlete kpa <sup>3</sup> kū Negevio kū Yeriko wǝte dominalide guvuteo ari Zoa. <sup>4</sup> Akū Dikiri pìne: Bǝsu kū ma la dà Ibrahīne kū Isaakuo kū Yakubuo ma pì mani kpá ní burinǝaa pìin gwe. Ma tò n wé siale, ama ñni bikū Yodaa ò gǝnlo.

<sup>5</sup> Akū Dikiri zǝbleri Musa gà Mǝabunǝ bǝsun gwe lákū Dikiri ò nà. <sup>6</sup> Akū Dikiri a vǝ guvuten gwe Betepeo kpa. Gbǝke a mira ki dǝro ari kū a gbārao. <sup>7</sup> Musa gà a wǝ basuddode gǝmme. A wé nna akūsǝ a gbāna dí lagoro. <sup>8</sup> Isarailanǝ a gǝe kè gǝro baraakuri Mǝabunǝ bǝsu sǝnte, akū a gǝkena kū sǝdǝ laka.

<sup>9</sup> Ŭndǝ pǝpa Nuni né Yǝsuaa kū Musa ǝ nàa yāi. Isarailanǝ a yā mà, ò kè lákū Dikiri dà Musane nà. <sup>10</sup> Annabi ke dí bo Isarailanǝ gǝn lán Musa bà doro. Àdi yā o kū Dikirio tǝtǝntǝ <sup>11</sup> akūsǝ à sǝedanǝ kū daboyā kū Dikiri à zionǝ kè Misila, Firi'auna kū a ibanǝ kū a gbǝnǝ are ní pínki. <sup>12</sup> Gbǝke dí yā naasi

zõkõ ke kũ iko gbãnao lán Musa bà Isarailanɔ wé  
sàlɛ doro.

**Luda yá takada kú Bisá yáo**  
**Portions of the Holy Bible in the Busa language of**  
**Nigeria**

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

---

PDF generated using Haiola and XeLaTeX on 11 Nov 2022 from source files dated 9 Oct 2020

8631d380-7d17-5581-abf9-174814e8ccc3